

## L E B H I T I C U S.

air son an fhirionnaich fichead fecel, agus air son na bainionnaich deich fecel.

6 Agus ma's ann o mhios a dh'aois, eadhon gu cùig bliadhna dh'aois; 'an sin bithidh do mheas air son an fhirionnaich cùig fecel airgid, agus air son na bainionnaich *bithidh* do mheas trì fecel airgid.

7 Agus ma's ann a *bhios* e o thri fichead bliadhna dh'aois agus os a chionn, *ma's* firionnach e, 'an sin bithidh do mheas cùig fecel deug, agus air son bainionnaich deich fecel.

8 Ach ma bhios e ni's bochda na do mheas, 'an sin nochdaidh se e féin 'an làthair an t-sagairt, agus measaidh an sagart e: a réir a chomais - san a thug a' bhòid, measaidh an sagart e.

9 Agus ma's ainmhidh e d'an d'thoir daoine tabhartas a dh'ionnfuidh an Tighearna; bithidh gach ni a bheir *duine* d'an leithidibh sin do'n Tighearna, naomha.

10 Cha mhùth<sup>2</sup> se e, ní mò mhalairticheas se e, math air son uile, no olc air son maith: ach ma mhalairticheas e air chor sam bith ainmhidh air son ainmhidh; 'an sin bithidh e féin, agus *an ni a fhuairidh* 'na mhalairt, naomha.

11 Agus ma's ainmhidh neo-ghlan sam bith e, do nach d'thoir iad seachad tabhartas do'n Tighearna; 'an sin nochdaidh e 'n t-ainmhidh 'an làthair an t-sagairt:

12 Agus measaidh an sagart e, ma's math no-olc e; mar a mheasas tusa a *bhios a'd'* shagart e, mar sin bithidh e.

13 Ach ma dh'fhuasglas e air chor sam bith e, 'an sin cuiridh e an cùigeadh cuid deth re d' mheas-fa.

14 Agus an uair a choifrigas duine a thigh, *gu bhi* naomha do'n Tighearna, 'an sin measaidh an sagart e, ma's math no olc e: mar a mheasas an sagart e, mar sin seasaidh e.

15 Agus ma dh'fhuasglas e san a choifrig e, a thigh, 'an sin cuiridh e an cùigeadh *cuid* a dh'airgiod do mheas-fa ris, agus bithidh e leis.

16 Agus ma choifrigas duine do'n Tighearna *cuid* do fhearann a theilbh, 'an sin bithidh do mheas a réir a shìl<sup>b</sup>: *meas* homer do shìol eerna aig leth-cheud fecel airgid.

17 Ma choifrigas e fhearann o bhliadhna na Iubile, a réir do mheas seasaidh e.

18 Ach ma choifrigas e fhearann 'an déigh na Iubile, 'an sin àirmhidh<sup>c</sup> an sagart an t-airgiod da a réir nam bliadhna<sup>d</sup> a ta re teachd<sup>d</sup>, eadhon gu bliadhna na Iubile, agus leigear sin sìos do d' mheas.

19 Agus ma dh'fhuasglas am fear a choifrig am fearann e air chor sam bith; 'an sin cuiridh e an cùigeadh *cuid* a dh'airgiod do mheas-fa ris, agus daingnich-car dha e.

20 Agus mur fuasgail e 'm fearann, no ma reic e 'm fearann re duin' eile, cha 'n fhuasglar ni's mò e.

21 Ach bithidh am fearann, an uair a theid e mach 'an Iubile, naomha do'n Tighearna, mar fhearann coifrigte<sup>e</sup>: buidh a theilbh do'n t-sagart.